

Oqaluuserisassat pillugit nassuiaat.
(Inatsisartut Siulittaasoqarfiat)

Siunnersuuteqartup oqaluuserisassani immikkoortup 132-p Kalaallit Nunatsinni nunat immikkoortuisa, imartallu assigiinngitsut, qeqertallu atserorneqarsimanerisa allanngortinneqartari-aqannginneri pillugit apeqquteqaat aallavigalugu oqallinnissamik siunnersuut tunuartippaat. Immikkoortoq pineqartoq 22. maj oqaluuserineqartussaagalarpoq.

Immikkoortoq 39, Imarsiernerup isumannaatsuunissaa pillugu inatsisit allannguutaasa Kalaallit Nunaannut atuutilersinnerinut peqqussummut Namminersorlutik Oqartussat oqaaseqaatissaat pillugu Inatsisartut aalajangiiffigisassaattut siunnersuut ulloq 8. maj aappassaaneerineqartussaagalarpoq. Maanna siunnersuutigineqarpoq 39 ulloq 29. maj aappassaaneerineqassasoq.

Naalackersuisut oqaluuserisassani immikkoortup 40-p, Imermut nukissianullu akeqartitseriaatsip 2013-imi allanngortinneqarnissaa pillugu Inatsisartut aalajangiiffigisassaattut siunnersuut tunuartippaat. Immikkoortoq pineqartoq 22. maj siullermeerineqartussaagalarpoq.

Immikkoortup 34-p, Ilinniartitsinnermut periusissiaq pillugu nassuiaatip oqaluuserineqarnissaa majip ulluisa 30-anniit 22-annut siuartinneqarpoq.

Siulittaasoqarfiup aalajangerpaa ullumi oqaluuserisassat naammassineqarnissaasa tungaannut ataatsimiinneq ingerlassasoq.

Siulittaasoqarfiup ilanngullugu nalunaarutigissavaa tallimanngorneq ulloq 25. maj ullutut immikkut ataatsimiiffittut pisariaqalersinnaanera naatsorsuutigineqassammat.

Ullumi ataatsimiinnermi Inatsisartunut ilaasortat Hans Aronsen, Inuit Ataqatigiit aamma Akitsinguaq Olsen, Siumut taasisarnerit pillugit isumaqatigiissuteqarput.